

179 *Electo orator al papa.*

Sier Sabastian Foscarini, doctor, leze im philosophia,	34.142
Sier Francesco Corner, <i>quondam</i> sier Fantin, da la Piscopia, . . .	44.125
Sier Lorenzo Bragadim, di sier Fran- cesco,	73. 98
Sier Nicolò Michiel, el dotor, è di pregadi, <i>quond.</i> sier Francesco, .	60.112
Sier Piero Contarini, el provedador sora le camere, <i>quondam</i> sier Zuan Ruzier,	86. 83
Sier Nicolò Dolfim, fo di pregadi, <i>quondam</i> sier Marco,	64.112
Sier Hironimo da cha' Tajapiera, el dotor,	27.148
Sier Piero Contarini, <i>quondam</i> sier Alvise, da San Patrinnian,	68.101
Sier Francesco Morexini, el dotor, cavalier, è di pregadi,	108. 66
Sier Zuan Francesco Miani, fo a le raxon vechie, <i>quondam</i> sier Hi- ronimo,	49.123
† Sier Zuan Badoer, dotor, cavalier, l'avogador di comun,	126. 51
Sier Francesco Donado, el cavalier fo ambador in Spagna,	81. 89
238 Sier Marco Gradenigo, el dotor, <i>qu.</i> sier Anzolo,	61.113
Sier Vettor Foscarini, è di pregadi, <i>quondam</i> sier Alvise, dotor, pro- curator,	71.107
Sier Santo Moro, el dotor, di sier Marin,	50.122
Non. Sier Vicenzo Querini, el dotor fo am- basador in Spagna,	

Et è da saper, in le parte di far l'orator a Roma, in questa, e presa, fu posto che si elezi senza pena, el qual habi termine zorni tre acetar, et acetado, poi non possi refudar, im pena di ducati 500.

Noto, in questi zorni molti patricij nostri si partino de qui per andar a Bologna, per queste feste di Nadal, a veder il papa et la corte che si propinqua.

A dì 23. La matina, Tangavardi, orator dil soldan, fo per marzaria fino a Rialto, con li soi mori, et quelli sora il cotimo, che prima non havia visto.

Da poi disnar fo consejo di X. Et fo fato vice

cao di X, in luogo di sier Zuan Venier, è amalado, sier Polo Antonio Miani, fo consier, el qual *etiam* è cassier dil conseio di X.

A di sopra dito, la matina, in collegio referi Zuam Francesco di Beneti, ritornato secretario di Hongaria. Disse assa' cosse dil re e di quelli prelati e dil cardinal ystrigoniense, e altri episcopi, *ut moris est.*

A dì 24, fo la vezilia di Nadal.

A dì 25, fo el dì di Nadal. Da poi disnar fo predichato a San Marco per frate Hironimo Bataja, fradello di Batajon, fo castelan di Cremona, di l'ordine di San Francesco observapte. Fece bella predicha; et poi *de more* el principe andò a vesporo a San Zorzi. Era l'orator di Franza e quel di Ferara; et portò la spada sier Polo Antonio Miani, va podestà a Cremona; suo compagno sier Francesco Duodo. Era do episcopi, il Zane di Spalato, et il Pexaro di Baffo.

In questa sera si ave aviso, la nave, patron Francesco Tarlao, era scorsa sora Chioza, vien di Soria. Aviso aver visto a di 7 sora Sapientia le 3 galie di Baruto. *Item*, le galie di Aqua Morte a di 23 era sora Zara *etc.*, e le altre nave.

È da saper, in questo zorno fo compito, e posto suso im piazza, li stendarli di San Marcho, per numero tre, come al presente si vede; et sora ditti stendardi fo deputà, come ho scritto di sopra, per il collegio, sier Daniel di Renier senza altra balotation.

In questo zorno fo il perdono a Santo Antonio, 239 *noviter* ottenuto da papa Julio, per compir el dito hospedal; et sier Pollo Barbo, procurator, à gran cura.

Item, a San Stephano fo conzado la chiesa di tapezarie, benissimo, et *nil melius*; et eri sera a la messa fo di cera lire 600 et più, *adeo* era bellissima luminaria; cerchono la spexa, et trovano ducati 13. *Etiam* in questa sera disseno vespero et compieta bellissima fin hore 3.

A dì 26. La matina il doxe andò a messa a San Zorzi. Portò la spada sier Francesco Bragadim, cao di X, va capitano a Verona; fo suo compagno sier Luca Trum. Da poi disnar fo gran consejo. Fato governador de l'intrade sier Nicolò Pixani, fo baylo a Corfù.

Item, fo posto parte, per li consieri, atento la egritudine pericolosissima di sier Francesco Griti, unico fiol de sier Andrea Griti, ch'è podestà a Padova, che 'l possi venir in questa terra per zorni 15. Ave 28 di no, il resto di la parte. E nota era za eri qui zonto.